

Numeri de telefon de ütl


<i>Porsones da contaté</i>	<i>Funziun</i>	<i>Telefon</i>
Dotur de familia	constataziun dla mort	0471 839639 0471 844200
Siur Degan/calonia	zelebrazziun dla sopoltüra	0471 839571
Irsara Nando	post de cortina	0471 839660
Piccolruaz Adalbert	ciavé la fossa	0471 838229 0471 839642
Pitscheider Susi	presidënt dl cor	320 0282 197
Pescoller Bruno	mone	0471 1654426 342 564 8120
Anvidalfarei Tone	porté le confarun	0471 839775
Burchia Nicole	ministranc	340 569 5721

Sorvisc de sopoltöra

Alfreider Raimund, Corvara	0471 836 260 - 335 450 810
Alfredier Stefan, Corvara	335 7874 082
Clara Marco, San Martin	0474 523 143 - 335 6050 719

Ploania de Badia

*Vademecun por l'organisaziun
de na sopoltüra*



Vademecum por la mort de n familiar o parënt

Ince do la mort è le defunt ciamò presënt inanter nos

La parora "defunt" se referësc sides ai ëi co ales ères

- Canche al mör n familiar él dërt cherié te cïasa na atmosfera de chît y de respet: impié na cïandëra, arjigné ega santa, tó comié tl chît o con oraziuns.
- Avisé personalmënter i familiars y i parënc.
- Avisé atira l'prô por ti dé ciamò la poscibilité de na buna assistënza al defunt cun oraziuns y la benedisciun y por ti dé confort ai familiars.
- Avisé l'dotur.
- Lavé jö l'defunt y l'vistí sô bel, ti mëte tles mans n crist, na spaternöra y/o val ciüf.
- Ti l'lascé alsavëi ai vijins.
- Avisé l'mone por soné l'agonia y ti dí l'eté dl defunt.
- Sce valgügn mör te ospedal, él da inciarié l'sorvîsc de sopoltöra che fistidiëia por les formalites y por l'trasport dl defunt.
- To sô contat cun l'survîsc de sopoltöra por informí sô l'defunt. Al condüj l'vascel y mët a disposiziun – sce an ô – l'banch y l'cortú, cïanderliers y cïandëres, l'crist, la copa dla ega santa, l'cheder por l'retrat (che an á chiri fora bele denant), la crusc de lëgn cun l'inom, les dates de nasciü y mort dl defunt y la picia gherlanda. Al arjigna ince – sce an ô – les zetoles de comunicaziun dla mort, les santes da mort y mët la comunicaziun de mort ti folieé.
- Tla zetola de comunicaziun pon dé dant la destinaziun dles ofertes impede ciüfs sôn fossa.
- L'dotur vëgn te cïasa a constaté la mort y scri fora l'atestat che è da porté te comun por ciafé l'autorisaziun da sopolí l'defunt.

- Fá fora cun l'prô l'de y l'ora dla sopoltüra, baié por l'post (cïasa o dlijia) y i orars dles corones y por le dé dla 2. y 3. mëssa de sopoltüra.
- Baié cun l'presidënt dl cor de dlijia por cïanté dala sopoltüra.
- Tó sô contat cun la porsona inciariada por chirí n post te cortina y cïavé la fossa.
- Damané l'mone por l'sorvîsc tratan la sopoltüra y baié por i ministranc.
- Chiri valgügn (vijins, mëmbri de na uniun sce le defunt è sté laprò) a porté l'vascel, n müt a porté la crusc de lëgn, chi che porta ciüfs – gherlandes y l'confarun. Te dlijia cïara l'defunt cuntra alté.
- Damané valgügn a dí dant les corones te cïasa o dlijia y dí dant pro la prozesciun l'dé dla sopoltüra.
- Ponsé al trasport dl defunt: sce al vëgn porté, mené cun l'cïaval o cun l'auto.
- Ponsé sce al vëgn dé dô la sopoltüra n renfrësch ("gosté") ai parënc y a chi che vëgn da foradecá o ma a chi che á porté l'vascel, ai cïantarins, a chi che á cïavé la fossa, al mone y ai portacunfarun. Al vëgn acunsié da tigni chësta bela usanza che condüj adüm ince chi parënc che vir te d'atri paisc y se vëiga püch gunot.
- Al vëgn lascé alsavëi da pert di familiars la mort y l'orar dla sopoltüra tles atres cüres, olache l'defunt á parënc o è cunesciü, ala RAI Ladinia (tel. 0471-90 21 11) o cun n inserat ti folieé.
- Aposté ciüfs y gherlandes
- Fistidié por val oraziuns beles cürtes tratan mëssa, ala fin dla mëssa por ringraziamënc cüré y por l'invit al renfrësch.
- Al è na bela usanza, ti dé ales uniuns y a chi che fej n sorvîsc debann na spënora, sce ai azeta.
- Por la zorga y la crusc dla fossa mësson se tigni al regolamënt de cortina che an ciafa te calonia.